

KEV KOOM TES
TXHAWB NQA DEJ
NUM

DAIM NTAWV QHIA
TSWV YIM

Tsev neeg xav tau kev pab rau lawv txoj kev txhawj xeeb txog qhov txob siab thiab coj tsis tus

Families Need Support: The Challenges of Emotional and Behavioral Disorders — Hmong version

Tsis yog koj tsev neeg xwb

Txawm tias cov me nyuam nyob hauv teb chaws America uas tau tshawb pom tias muaj kev puas siab puas ntsws yuav muaj coob zuj zus los, cov me nyuam niaj hnuv loj hlob no feem coob yeej yoog tau thiab nrog tau lawv tsev neeg nyob thiab yeej mus kawm tau ntawv. Tej zaum cov niam cov txiv yuav zoo siab rau qhov lawv cov me nyuam ua tau thiab zoo siab rau qhov lawv muaj cuab kav tu tau cov me nyuam no zoo. Qhov no yog qhov xav kom zoo li no.

Tsab xov uas tsev kawm ntawv, cov pog cov yawg, zej zog, thiab lwm tus niam txiv pheej hais rau tsev neeg tas li yog “tsev neeg zoo” tu tau “cov me nyuam zoo”. Qhov no yog qhov yuav luag txhua tus ntseeg tias cov niam cov txiv muaj feem xyuam rau qhov lawv cov me nyuam to taub thiab nrog tau sawv daws li cas.

Qhov teeb meem uas muaj nyob hauv qhov sawv daws ntseeg no mas yog coob tus zoo niam zoo txiv muaj cov me nyuam uas coj tsis raws li tus cwj pwm sawv daws yuav tau. Lwm tsev neeg, kws qhia ntawv, thiab cov kws txuj uas ua hauj lwm pab lawv cov me nyuam tseem hais cov niam cov txiv tias lawv tsis tsim kom muaj qhov chaw txhawb nqa, muaj kev txwv tsis pub ua, muaj kev qhuab qhia, los yog muaj kev txhawb nqa uas yeej pab tau cov me nyuam feem coob. Ib qho tsis zoo ntxiv mas yog cov niam cov txiv tseem hais lawv tus kheej tias lawv tsis muaj cuab kav tswj tau lawv cov me nyuam.

Kev ua niam ua txiv mas yog ib tes dej num nyhav heev, txawm yog cov me nyuam yeej tsis muaj kev ntxhov siab dab tsi los xij. Txhua tus niam txiv uas muaj cov me nyuam puas siab puas ntsws yeej xav tau tej xov qhia, kev cuab zog, kev qhia ua, thiab kev txhawb nqa los tu cov me nyuam kom loj hlob cus plaws. Tsis muaj leej twg yug txawm muaj cov tswv yim daws tau txhua qhov teeb meem, tsis tas li xwb, thaum tsev neeg nrhiav kev pab los lawv yuav nrhiav tsis tau cov kev pab li lawv xav tau mus

txog thaum tej teeb meem ntawd twb loj tshaj qhov lawv yuav daws tau lawm.

Kev txob siab thiab coj tsis tus thiab kev puas siab puas ntsws yeej tshwm sim rau ntau tsev neeg, tsis hais yuav yog cov khwv tau nyiaj ntau los tsawg, cov muaj kev kawm ntawv siab los nqis, thiab cov muaj caj ces sib txawv. Tej zaum cov me nyuam uas muaj qhov txob siab thiab coj tsis tus yuav muaj ib leej niam leej txiv los yog muaj niam muaj txi, muaj niam qhuav txiv qhuav, nyob ntug nroog, nyob yaj sab, los yog nyob hauv nroog.

Tsev neeg xav tau txoj kev pab

Txawm yuav muaj kev cob qhia me nyuam sib txawv, muaj kev cai coj txawv, muaj caj ces sib txawv, los yog muaj thiab txom nyem los, tsev neeg feem coob yeej muaj qhov txhawj xeeb sib xws. Tej zaum cov niam cov txiv yuav muaj kev ntxhov siab vim lawv nrhiav tsis tau cov kev pab uas yuav pab tau thiab lawv yuav them tau, tib yam nkaus li qhov xav hauv nruab siab uas yeej paub tias yuav pab tsis tau tus me nyuam kom txaus. Txhua tus niam txiv uas muaj cov me nyuam muaj qhov txob siab thiab coj tsis tus yeej xav tau cov xov qhia hais txog kev pab kho tswv yim thiab kev pab hauv kev kawm ntawv rau lawv cov me nyuam. Lawv tseem xav tau kev txhawb nqa thiab kev thoob tswv yim los pab lawv thiab lawv tsev neeg los txhawb lawv txoj kev tu lawv tus me nyuam. Cov tsev neeg yeej muaj txoj kev hlub lawv cov me nyuam tsis paub kawg, txawm yuav yog cov uas muaj lwm tus hais tias lawv tsis hlub me nyuam los xij.

Cov niam txiv uas muaj cuab kav nrhiav tau tej xov qhia, nrhiav tau cov kev pab, thiab cuag tau cov muaj kev pab uas paub txog lawv txoj kev ua niam ua txiv zoo yeej tuav tau lawv tsev neeg thiab txhawb tau lawv tus me nyuam. Yog muaj kev txhawb pab zoo, coob tus niam txiv uas yeej hlub lawv cov me nyuam uas muaj qhov txob siab thiab coj tsis tus tshaj plaws yuav muaj cuab kav cia tau lawv cov me nyuam nrog lawv nyob

PACER CENTER
CHAMPIONS FOR CHILDREN WITH DISABILITIES

8161 Normandale Blvd
Minneapolis, MN 55437-1044

Tus xov tooj hais ua lus yog:
952.838.9000

Tus xov tooj hu tau dawb
hauv xeev MN yog:
800.537.2237

Tus xov tooj ntaus ua ntawv
hais yog: 952.838.0190

Email yog:
PACER@PACER.org

Web site yog:
www.PACER.org

hauv vaj hauv tsev los yog nyob hauv zej zog, thiab qhov yuav cia rau lwm tus saib xyuas mas tsuas yog qhov lawv xaiv tau rau lawv tus me nyuam thiab lawv tsev neeg thaum kawg tswv yim lawm xwb.

Niaj hnuv nim no, cov niam txiv uas muaj cov me nyuam muaj qhov txob siab los yog koj tau txawv nyob hauv ntau lub xeev tab tom tsim kom muaj kev koom ua pab pawg los muab tej xov sib qhia thiab tawm tswv yim los sib pab. Nyob hauv kev koom ua pab pawg no, cov niam txiv yuav nrhiav tau cov hauv kev los txhawb lawv txoj kev ua niam ua txiv thiab txoj kev pab rau lawv cov me nyuam. Cov pab pawg no feem ntau yog cov niam txiv ua cov tshwj; coob tus niam txiv xav kom muaj kev sib koom no xwv lawv thiaj tau sib ntsib kom txhob muaj qhov pheej xav hauv nruab siab tias cas pheej muaj cov kws txuj “xyuas nraim”. Lwm pab pawg niam txiv kuj yog cov muaj kev pab rau cov niam txiv tsim los kom muaj kev txhawb nqa rau tsev neeg.

Yog cov niam txiv nrhiav tsis tau pab pawg niam txiv li lawv nyiam los, lawv yuav xav los tsim kom muaj ib pab los yeej tau tib yam nkaus. Txoj kev pab los tsim kom muaj pab pawg niam txiv kuj muaj nyob rau ntau qhov. Cov niam cov txiv yuav hu tau rau Koom haum PACER Center kom lawv muab tej chaw uas muaj cov kev pab li hais rau lawv los tau.

Cov lus no muab los ntawm phau ntawv hais qhia rau cov niam txiv uas muaj cov me nyuam txob siab thiab koj tsis tus, sau tawm hauv xyoo 2001.